

حد السعف

متى 21، مرقس 11، لوقا 19، يوحنا 12

عيد بنحفل بيه كل سنة ... الملك داخل في موكب عظيم و ناس بتسبّح و فرحانة بيه

من الكتاب المقدس

متى 21

ولما قربوا من أورشليم وجاءوا إلى بيت فاجي عند جبل الزيتون،

حينئذ أرسل يسوع تلميذين قائلًا لهما: «اذهبا إلى القرية التي أمامكما، فلوقت تجدان أتانًا مربوطة وجحشا معها، فحلاهما وآتياني بهما.

فكان هذا كله لكي يتم ما قيل بالنبى القائل: «قولوا لابنة صهيون: هوذا ملكك يأتيك وديعا، راكبا على أتان وجحش ابن أتان».

فذهب التلميذان وفعلوا كما أمرهما يسوع، وآتيا بالأتان والجحش، ووضعوا عليهما ثيابهما فجلس عليهما.

والجمع الأكثر فرشوا ثيابهم في الطريق. وآخرون قطعوا أغصانا من الشجر وفرشوها في الطريق.

والجمع الذين تقدموا والذين تبعوا كانوا يصرخون قائلين: «أوصنا لابن داود! مبارك الآتي باسم الرب! أوصنا في الأعالي!».

فلما رأى رؤساء الكهنة والكتبة العجائب التي صنع، والأولاد يصرخون في الهيكل ويقولون: «أوصنا لابن داود!»، غضبوا وقالوا له: «أتسمع ما يقول هؤلاء؟»

فقال لهم يسوع: «نعم! أما قرأتم قط: من أفواه الأطفال والرضع هيأت تسبيحا؟»

؟ سؤال

إزاي أقدر أعبد ربنا؟

الإجابة

أعبد ربنا بكل حاجة فيّ (بقي اللي بيسبّح ربنا، إيدي اللي بتساعد الناس، رجلي اللي بتروح الكنيسة، قلبي اللي بيحب ربنا و الناس، عقلي اللي يفكر فيه و إزاي أسمع كلامه، عينيّ اللي يتشوف حاجات كويسة، وداني اللي بتسمع ألحان و كلام حلو ...)

نشوف إيه؟

- ربنا يسوع قال ل 2 تلاميذ يجيبوا له حمار صغير عشان يدخل بيه أورشليم
- و ده عشان يحقق نبوة النبي زكريا إن الملك هيجي راكب على جحش
- لّمّا ربنا يسوع دخل أورشليم، احتفل بيه كل أهل المدينة
- كلهم هتفوا له: أوصنا ... مبارك الآتي باسم الرب ... ده هو ملك إسرائيل (لأن هو الملك المخلص الآتي باسم الرب فعلاً)
- كلهم فرشوا لبسهم في الطريق مع أغصان النخل و كانوا بيحيّوه
- كلهم تبعوه و مشيوا وراه في اليوم ده في موكب ملوكي
- كلهم ... ما عدا رؤساء الكهنة اللي كانوا غيرانيين ... قالوا له سكّت الناس دول ... ربنا قال لهم: ده حتى لو الناس سككت الحجارة هتتكلم و تسبّحني
- ربنا يسوع هو الله ... هو الملك ... هو المخلص اللي إحنا كُنّا مستنبيينه عشان يخلصنا من خطايانا و يرجّعنا السما تاني



- بقنا نقدر نستخدمه إننا نسبح ربنا بالتراتيل و الألحان و الصلوات ... نشكره على عظمته و على حبه دائماً لينا ... و نحكي للناس قد إيه هو عظيم
- و طبعاً الفم اللي يسبّح ربنا ماينفعش يخرج منه كلمات وحشة



- إيدينا نقدر نستخدمها إننا نرحب بالناس و نساعدهم ...نشتغل في شغل ربنا (الخدمة)



- رجلنا نقدر نستخدمها إننا نروح من مكان لمكان ...
- نقدر بيها نمشي ورا ربنا ... نروح بيته (الكنيسة) أو حتى في الوقت اللي احنا فيه مش في الكنيسة نروح أماكن كويسة نعمل فيها حاجات كويسة

! المشكلة


ساعات بيعدي علينا وقت بنبقى مش مبسوطين فيه ☹️

💡 الحل

حتى لو انت مش في الكنيسة: سبّح ربنا ... صلي أو قول لحن أو ترنيمه ... هتلاقي نفسك هديت و انبسط
لأنك هتفتكر قد إيه ربنا عظيم و طيب و بيحبك 😊

👉 صورة للتلوين

ربنا يسوع و هو داخل أورشليم كملك ... و الناس بتسبّحه و تفرش اللبس و سعف النخل على الطريق



📅 الزمن

حد السعف (قبل الصليب)

📍 المكان

مدخل أورشليم

الشخصيات

- ربنا يسوع
- الناس اللي استقبلته خصوصاً الأطفال
- التلميذين اللي جابوا الأتان و الجحش
- الأتان و الجحش
- الكتبة و الفريسيين

✝️ تعالى نحفظ

اعبدوا الرب بفرح. ادخلوا إلى حضرتة بترنم (مزمو 100 : 2)

 **تعالى نطلي**

يا رب أشكرك إنك حبيتني لدرجة إنك أرسلت ابنك الوحيد (ربنا يسوع) عشان يخلصني ... يا رب ...
ساعدني أسبّحك و أصلي لك في كل الأوقات ... أفكر قد إيه انت عظيم و قد إيه انت بتحبنى

 **تعالى نفتكر**

نسبّح ربنا بفرح على طول

 **المصدر:**

[Bible App for Kids](#)